



Auton Nistued

MENIGHETSBLAD FOR ORKDAL PRESTEGJELD

«Når dere søker meg av hele eders hjerte, vil jeg la meg finne av eder.»

Nr. 8—9

DESEMBER 1959

9. årg.

FRED PÅ JORDA?

Den som trur at juleevangeliet vil seie fred på jorda i ytre forstand, må tru omatt. Alle hundreår sidan Jesus var her, har vori meir prega av ufred enn av fred. Vi kunne forstå det ifall ufreden samla seg der evangeliet om Jesus enno ikkje har nått fram.

Men slik var det ikkje. Ufreden treivst like godt innanfor og mellom dei såkalla kristne land. Ja, kyrkja var sjølv smitta av ufreden så altfor ofte. I kyrkjesoga har vi slike fenomen som religionskrigarar. Elles er vi ikkje borte no for tida heller når det gjeld å skape ufred kristne imellom.

No sa Jesus eit sterkt ord om desse ting. Han tala om at han kom ikkjé med fred, men med sverd. Det er heller ikkje vanskeleg å merke at ufreden har noko med Jesus å gjere. Jesusbarnet i krybba er eit bilet på fred, og barne- og ungdomsåra var fredelege nok, men ei to—tre år etterpå Han stod fram med sin bodskap frå Gud, hadde motstanden reist seg mot Han slik at dei avretta Han som ein forbrytar. Det er skrikande motsetnad mellom englesongen julenatta og det ramaskriket som gjekk over landet da Herodes



drap alle dei borna for å utrydde Jesus.

No og er det stridsgny kring Jesus. Slett ikkje mindre enn før ser det ut for. Det kan sjå ut for at vi er midt inne i ein gigantisk styrkeprøve mellom denne verda og Jesus. Eller kanskje vi heller må sjå det slik at det er «Herren som rensar sitt gull».

Når det stormar slik kring Jesus, kjem det sjølvsagt av at alle motmaktene til alle tider gjer sitt yttarste for å slå ned alt det som Han sette inn i verda, og alt det som har med Han å gjere. Men det er ingen fåre for at motmaktene skal seire. «Eg er sterkare enn verda», seier Han. Ingen skal rive mine ut av mi hand. Så brukar Han nett mot

maktene til å rense sitt gull. «Han oppdreg oss med trengsel og kors for sitt rike», seier vi i kyrkjebøna.

Men er det da ingen fred å finne? Er julebodskapen berre tomt snakk?

Jau, freden er der. Han ligg herre ikkje på det ytre planet. Det er den freden som vart skapt mellom Gud og menneske. Det er freden som godt kan fylle hjartet sjølv om det stormar aldri så mykje rundt ikring.

«Den freden meg fylgje frå vogga til grav meg hugge i såraste suter».

Men det har vori og vil alltid vere slik at berre den som vågar å stå med Jesus i striden, får smake freden som Han gjev. Utanpåkristendom gjev ingen fred. Det aller meste av ufreden mellom kristne kjem av at kristendomen er ikkje kristendom nok. Det er når Jesus blir Herre over kropp og sjel, at Han får gje eit menneske sin fred.

Så bed vi om fred i landet, om fred i kyrkja og fred i hjartet. Vi bed retteleg for alvor om julefreden denne jula. «Vi synger om den søte fred så helvede skal skjelv ved vår julesang å høre».

Jostein Hatlebrekke.



